



Ovaj projekat finansira Evropska unija

Projektni zadatak:

Priprema i izrada publikacije: "Smjernice i silabusi za provođenje studentske prakse sa fokusom na društvene i tehničke studije"

Referentni broj: EUTP-01-20/01

Datum: 01.07.2020

Udruženje Prava za sve za potrebe projekta "*Studentskom praksom brže do posla*" traži konsultanta_cu/eksperta_cu iz sektora visokog obrazovanja za izradu stručne publikacije u okviru provođenja redovnih aktivnosti i djelovanja.

I UVOD

Projekat "*Studentskom praksom brže do posla*" odgovara na nedostatak provođenja studentske prakse kao obaveznog i redovnog nastavnog procesa na fakultetima/univerzitetima u BiH zbog čega su studenti lišeni mogućnosti za sticanje potrebnih praktičnih znanja i vještina koje zahtijevaju poslodavci i tržište rada.

Projekat jača institucionalne i kapacitete OCDa koji se bave ovim pitanjima za zajedničko djelovanje u zagovaranju za poboljšanje politika i zakonodavstva u oblasti visokog obrazovanja slijedeći dobre prakse i iskustva zemalja EU.

Organizacije mladih kao i drugi relevantni akteri koji se bave ovim pitanjima nemaju adekvatne kapacitete za međusobno povezivanje i pokretanje procesa zagovaranja za promjene politika ili obrazovnog procesa radi uvođenja studentske prakse kao sastavnog dijela obrazovnog procesa. Nedostaje I potrebno znanje o evropskim standardima i modelima prakse koji na najbolji način poboljšavaju znanje i kompetencije studenata. Zbog svega toga civilno društvo ostaje izvan procesa EU integracija u području obrazovanja. Vlasti i donosioci odluka općenito nisu otvoreni za dijalog o ovom pitanju, i donose odluke bez sudjelovanja onih na koje se ovo odnosi, a to su prije svega mladi, ali I predstavnici akademske I poslovne zajednice. Krajnja posljedica svega je da mladi nemaju priliku da steknu potrebno radno iskustvo, poslodavci ostaju lišeni odgovarajuće radne snage, a stopa nezaposlenosti mladih raste.

Projekat implementiraju

Metodologija provođenja projekta

Umrežavanje, (upostavljanje *ERSE mreže/Edukacija-reforma-Sigurnost-Egzistencija*) kao metod za razmjenu informacija i uspostavljanje dugoročne interakcije, koristit će se za postizanje ciljeva projekta. Projektom se planira provođenje sveobuhvatnog **programa izgradnje kapaciteta** i primjene tako stečenog znanja u praksi. Tako će članovi ERSE mreže biti osposobljeni da zajednički zagovaraju za potrebne promjene u cilju uvođenja redovnih studentskih praksi u obrazovni proces; da učestvuju u medijskim kampanjama kao i da se uključe u proces EU integracija. Kroz iniciranje i **provođenje kampanja zagovaranja i medijskih kampanja** za uvođenje redovnih studentskih praksi u sistem visokog obrazovanja postiže se dodatni potrebni pritisak na donosice odluka za otvaranje dijaloga o visokom obrazovanju i usvajanje ciljanih preporuka.

Opći cilj projekta je reforma visokog obrazovanja prema EU standardima i omogućavanje studentima da steknu obrazovanje koje im pruža praktične vještine potrebne na tržištu rada u BiH.

Specifični ciljevi su uspostaviti mrežu kao ključni mehanizam društvenih promjena koji povezuje sveučilišta, poslovnu zajednicu, studentska udruženja diljem BiH, te jačanjem kapaciteta mreže i provedbom širokog zagovaranja podržati reformu visokog obrazovanja u skladu sa EU dobrim iskustvima u dijelu koji će osigurati redovno održavanje studentskih praksi i na taj način u konačnici doprinijeti većem zapošljavanju mladih u BiH.

Trajanje projekta: 01.12. 2018.-30.11.2021.

Provođenje projekta: Udruženje "Prava za sve" provodi projekat u partnerstvu sa U.G.Budućnost iz Modriče.

II CILJEVI I OBIM ZADATKA

2.1 Svrha angažovanja:

Izrada stručne publikacije koja se sastoji iz 3 dijela:

- ❖ Smjernice za provođenje studentske prakse (potrebni koraci za uvođenje prakse na fakultetima),
- ❖ Silabus za odabrani predmet - oblast društvenih nauka i
- ❖ Silabus za odabrani predmet - oblast tehničkih nauka.

Da bi studentska praksa mogla biti formalno integrisana u redovni obrazovni process potrebno je sačiniti odgovarajuće silabuse. S obzirom na specifičnosti obavljanja studentske prakse, ovi silabusi će se razlikovati od silabusa ostalih univerzitetskih predmeta i mogu

Projekat implementiraju

uključivati anekse. Cilj je pomoći i olakšati visokoškolskim institucijama uvođenje programa studentske prakse u redovni nastavni proces. Ova stručna publikacija se naslanja na prethodno urađenu studiju u okviru istog projekta: *“Studentska praksa u zemljama Evropske unije: Prijedlog modela za BiH”* i temeljiće se na usvojenim prijedlozima modela studentske prakse koji su u ovoj studiji detaljno definirani za oba naučna smjera.

2.2 Opis poslova

Od angažovanog eksperta očekuje se da izradi stručnu publikaciju (15 strana maksimalno) i dostavi konačnu verziju Udruženju PRAVA ZA SVE na B-H-S jeziku najkasnije do 15. Avgusta 2020.

U cilju izrade traženog dokumenta potrebno je uraditi slijedeće:

- ❖ Analizirati silabuse studentske prakse za konkretne studijske predmete fokusirajući se na društvene i tehničke studije zemalja EU
- ❖ Izvršiti pregled relevantnih zakona i drugih pravnih akata koji se odnose na silabuse studentske prakse (npr. pravilnike pojedinih univerziteta i sl.)
- ❖ Analizirati silabuse studentske prakse na društvenim i tehničkim studijama univerziteta u BiH (ukoliko su u primjeni)
- ❖ Napraviti prijedlog pozicioniranja studentske prakse u nastavnom planu i programu BiH univerziteta u skladu sa zahtjevima studenata, profesora, poslovne zajednice, i strukovnih udruženja u BiH (u skladu sa analizom studije: *“Studentska praksa u zemljama EU: Prijedlog modela za BiH”*)
- ❖ Izraditi Smjernice za provođenje studentske prakse, koje će omogućiti praktični prikaz koraka potrebnih za uvođenje prakse u nastavni plan i program
- ❖ Izraditi 2 silabusa za odabrane predmete tehničkih i društvenih nauke s definisanim brojem kredita, trajanjem, supervizijom, zadacima, ocjenjivanjem, i drugim neophodnim elementima
- ❖ Napraviti prijedlog aneksa silabusa

2.3 Kvalifikacije stručnjaka;

- ❖ Master diploma iz oblasti društvenih ili tehničkih studija, doktorsko zvanje (PhD) smatraće se prednošću;
- ❖ Najmanje 10 godina profesionalnog iskustva u nastavi u sektoru visokog obrazovanja;

Projekat implementiraju

- ❖ Demonstrirano iskustvo u primijenjenim istraživanjima sa prikupljanjem podataka, analitičkim i prezentacijskim vještinama i pokazanu sposobnost strukturiranja informacija;
- ❖ Prethodno iskustvo rada / savjetovanja u radu na različitim projektima smatrat će se prednošću.

2.4 Period angažmana

Ekspert će biti angažiran u periodu juli 2020 - avgust 2020. godine u roku od najviše 12 radnih dana. Proces rada, datumi dostavljanja narta publikacije, isplata i drugi specifični detalji će biti utvrđen ugovorom.

3. PRIJAVA

3.1 Vaša prijava mora sadržavati:

- ✓ Referentni broj ponude
- ✓ Pismo interesa
- ✓ CV stručnjaka/nje sa detaljnim informacijama o relevantnom prošlom iskustvu
- ✓ 2 reference s punim kontaktom
- ✓ Prijedlog treba biti jasan i koncizan, sa kratkim opisom metodologije rada, uz evaluacijski plan, s rasporedom planiranih radnih dana.

3.2 Ocjena prijedloga

Prijedloge će ocjenjivati Udruženje Prava za sve i partner u projektu U.G. Budućnost, na osnovu profesionalnog iskustva konzultanta u skladu s kriterijima postavljenim u odjeljku o kvalifikacijama i vještinama.

3.3 Način plaćanja

Maksimalna ukupna naknada za ovaj zadatak je bruto iznos od 1400 EUR. Naknada uključuje sve troškove vanjskog stručnjaka. Plaćanje će se izvršiti ukupno nakon odobrenja izvještaja o isporuci usluge.

3.4 Postupak prijave

Kandidati zainteresovani za prijavu treba da pošalju svoju biografiju e-poštom, sa naznakom Ref. broja uz prateće propratno pismo Udruženju Prava za sve na: office@pravazasve.ba

Projekat implementiraju

ROK ZA PRIJAVU: 14.07.2020 najkasnije do 17 sati

Projekat implementiraju

